

00003.

vre dit is die alre hillichste vre in
welcher een ionfer heuet gebaert
god ende mensche **D**it is die vre in
welcher ysses wortel heuet ghe-
bloept **O** ghy ellendighe adams
kinder verbluydet nu want die soe
ne godes is nederghecomme om os
weder toe leyden toe dat vaderlant
Stu is die nye adam gheborre ende
voertmeer en sal niet wesen dier
die olde adam om suchten sal **O**
du eerste gheboren verbluyde di wat
die dy ghescapen heft is nederghe-
steghen nae dy **O** **I**esu myn ouer-
ste myne **O** **I**esu **O** **I**esu die in deser
vren biste geboren vul ghenaden
ik bidde ghyss my gracie dy alsoe
toe louen die huden om my ghe-
boren biste een mensche op dat ic
dy mijnen alre lieffsten in die gan-
der ghebuerte salichlick en ewelick
macht schouwen **Amen.** **S**equacie.